



SAKSPAPIR

Saksnr	Utval	Type	Dato
09/2018	Formannskap/plan- og økonomiutvalet	PS	29.01.2018

Sakshandsamar	Arkiv	ArkivsakID
Tore Henrik Øye	FE - 242, FA - K60	14/587

VAKSDAL KOMMUNE SITT FOND FOR VILT, FISKE OG FRILUFTSLIV - TILSKOT TIL INNKJØP AV BÅT
SØKJAR: VAKSDAL FISKARLAG

Vedlegg:

Søknad om midlar til innkjøp av båt 2017

Anskaffelse av båt med utstyr til Vaksdal Fiskarlag

VEDTEKER FOR VAKSDAL KOMMUNE SITT FOND FOR VILT, FISKE OG FRILUFTSLIV

Rådmannen sitt framlegg til vedtak:

Vaksdal kommune løyver kr. 6 518,- til Vaksdal Fiskarlag for å dekkje dokumenterte utgifter ved innkjøp av båt til fiskefremjande tiltak i vaksdalsfjella. Tilskotet utgjer 100 % finansiering.

Tilskotet er løyvd frå Vaksdal kommune sitt fond for vilt, fiske og friluftsliv, i medhald av §§ 4 og 5 i fondsvedtektene, jf. § 2.

Tilskotet vert overført til Vaksdal Fiskarlag sitt kontonummer; 05303104544.

Formannskap/plan- og økonomiutvalet - Sak 09/2018

FPØ - Behandling:

Anne Christin Eide og Evelyn Boge stilte spørsmål ved sin habilitet i saka.

I medhald av fvl § 6 1. ledd pkt b) vedtok formannskapet samrøystes at Anne Christin Eide er ugild i saka og i medhald av fvl § 6 2. ledd vedtok formannskapet samrøystes at Evelyn Boge er ugild i saka.

Samrøystes vedtak.

FPØ - Vedtak:

Vaksdal kommune løyver kr. 6 518,- til Vaksdal Fiskarlag for å dekkje dokumenterte utgifter ved innkjøp av båt til fiskefremjande tiltak i vaksdalsfjella. Tilskotet utgjer 100 % finansiering.

Tilskotet er løyvd frå Vaksdal kommune sitt fond for vilt, fiske og friluftsliv, i medhald av §§ 4 og 5 i fondsvedtektene, jf. § 2.

Tilskotet vert overført til Vaksdal Fiskarlag sitt kontonummer; 05303104544.

Saksopplysningar:

Bakgrunn

Vaksdal Fiskarlag, ved Leif Inge Eide, søker i søknad av 01.10.2017 om kr. 6 518,- i tilskot frå Vaksdal kommune sitt fond for vilt, fiske og friluftsliv. Tilskotet skal brukast til å dekkje utgifter til innkjøp av båt, inkludert frakt. Båten er kjøpt inn, og rekning ligg ved søknaden.

Av søknaden går det fram at Vaksdal Fiskarlag har drive fiskefremjande tiltak i vaksdalsfjella nærast kvart år sidan tidleg på 1980-talet. Laget driv på frivillig basis, etter avtale med grunneigarane. Det er fritt fiske i området (ikkje sal av fiskekort), og laget har ikkje inntekter.

Målet med innsatsen er å leggje til rette for fiske for ålmenta, ved utsetting av fisk, tynningsfiske og andre tiltak, alt etter føremål og problemstilling. I dag er det fisk i alle tjørner og vatn i området, og søker nemner at fisket representerer eitt av dei viktigaste og mest nytta rekreasjonstilboda vaksdalsbygda har å by på.

I samband med tynningsfisket i Varatjørnene og Kjerringatjørn som følgje av overtette bestandar, er det kjøpt inn kastenot. Til dette arbeidet er det trong for båt, og laget har gått til innkjøp av ein plast-/glasfiberbåt som det no vert søkt om tilskot til. Båten ligg ved Kjerringatjørn, og er betalt på forskot av privatperson.

Nærare informasjon om Vaksdal Fiskarlag sin innsats, går fram av vedlagt søknad.

Formannskapet i Vaksdal kommune utgjer styret for fondet, og fattar vedtak om tilskot etter administrativ innstilling, jf. § 4 i vedtektene.

Vurdering

Tilrettelegging for fiske er eitt av føremåla for Vaksdal kommune sitt fond for vilt, fiske og friluftsliv, jf. § 2 i fondsvedtektene. I følgje § 5 kan interesseorganisasjonar søkje om tilskot, og det står vidare at tildelte midlar skal vere til lokal bruk og nytte, med verdi for ålmenta. Søknad frå Vaksdal Fiskarlag er i samsvar med alle desse tilhøva.

Det er ikkje sett noko prosentvis avgrensing på tildeling av tilskot i høve til dokumentert kostnad, jf. § 5 i vedtektene.

I følgje § 5 i vedtektene, er målet at bruken av midlane over ein 5-årsperiode viser følgjande fordeling: Fiske 50 %, vilt 25 %, og friluftsliv 25%.

Omtrentleg fordeling til no i gjeldande femårsperioden er 38 % på fisk, 0 % på vilt og 62 % på friluftsliv. Dette gjer at ein ligg innafor ramma for tildeling til fisketiltak.

I følgje § 3 i vedtektene, skal grunnkapitalen for fondet vere kr. 250 000,-. Overskytande kapital er frie fondsmidlar. Tildeling av tilskot til Vaksdal Fiskarlag fører ikkje til at fondet kjem under kravet til grunnkapital.

I følgje § 5 i vedtektene skal søknadar sendast til kommunen innan 1. desember kvart år, med kommunal handsaming innan utgangen av februar komande år. Dette tydar at innkomne søknadar skal handsamast og prioriterast samla. I gjeldande sak vert lagt opp til handsaming før søknadsfristen. Dette vert gjort med bakgrunn i at det er venta få søknadar i 2017, og at fondsmidlar er

tilgjengeleg etter tildelinga.

Konklusjon

Søknaden om tilskot til innkjøp av ny båt for bruk til fiskefremjande tiltak i vaksdalsfjella, er i samsvar med fondsføremålet. Rådmannen går derfor inn for tildeling av kr. 6 518,- i tilskot til Vaksdal Fiskarlag, i tråd med søknaden og dokumenterte utgifter.